



REPUBLIKA E SHQIPËRISË

KUVENDI

PROJEKTLIGJ

Nr \_\_\_\_\_, datë \_\_\_\_\_ 2018

**PËR DISA SHTESA DHE NDRYSHIME NË LIGJIN NR. 10352, DATË 18.11.2010  
“PËR ARTIN DHE KULTURËN”, TË NDRYSHUAR**

Në mbështetje të neneve 78 dhe 83 pika 1 e Kushtetutës, me propozim të Këshillit të Ministrave:

**KUVENDI**

**I REPUBLIKËS SË SHQIPËRISË**

**VENDOSI:**

Në ligjin nr.10352, datë 18.11.2010 “Për artin dhe kulturën”, të ndryshuar, bëhen këto shtesa dhe ndryshime:

**Neni 1**

Neni 1 ndryshohet si më poshtë:

Pas fjalës “...subjekteve” shtohet “publike dhe private...”

**Neni 2**

Neni 4 pas pikës 3 shtohet pika 4 me përmbajtje si vijon:

*“4. Institucion publik i artit dhe kulturës është struktura e krijuar me ligj, Vendim i Këshillit të Ministrave apo Vendim të Këshillit Bashkiak, e cila ka në objektin e veprimtarisë së saj përhapjen dhe ruajtjen e vlerave kulturore.*

**Neni 3**

Pas nenit 4 shtohen nenet 4/1 dhe neni 4/2 me përmbajtje si më poshtë vijon :

*“Neni 4/1*

*Politikat në fushën e artit dhe kulturës*

- 1. Politikat në fushën e artit dhe kulturës drejtohen dhe mbështeten nga Këshilli i Ministrave.*
- 2. Ministria përgjegjëse për artin dhe kulturën zbaton politikën për mbrojtjen dhe promovimin e artit dhe kulturës, në përputhje me funksionet dhe kompetencat e saj në respektim të dispozitave të këtij ligji.*
- 3. Strategjia kombëtare për zhvillimin e artit dhe kulturës miratohet nga Këshilli i Ministrave me propozim të Ministrit përgjegjës për artin dhe kulturën.*



REPUBLIKA E SHQIPËRISË

## KUVENDI

### Neni 4/2

#### *Prioritetet e Ministrisë përgjegjëse për artin dhe kulturën*

1. Ministria përgjegjëse për artin dhe kulturën mbështet nismat kulturore dhe projektet krijuese nëpërmjet:

- a) zhvillimit të bashkëpunimit kulturor me njësitë e qeverisjes vendore si dhe organizatat në nivel kombëtar dhe ndërkombëtar;
- b) dhënies së informacionit si dhe krijimit të mundësive për pjesëmarrjen në programet ndërkombëtare;
- c) zhvillimit të instrumenteve rregullatorë në fushën e artit dhe kulturës;
- ç) financimit të plotë ose të pjesshëm për institucionet publike qendrore, vendore ose të pavarura si dhe subjekteve private të artit dhe kulturës;
- d) hartimin e programeve dhe aktiviteteve artistike me fokus edukimin përmes kulturës.

### Neni 4

Në nenin 5 bëhen ndryshimet si më poshtë :

1. Në pikën 2 pas fjalës “..qendrore” shtohet togfjalëshi “në varësi ose jo të Ministrisë përgjegjëse për artin dhe kulturën...”.
2. Togfjalëshi “Galeria Kombëtare e Arteve” zëvendësohet me togfjalëshin “Muzeu Kombëtar i Arteve të Bukura”.
3. Germa “dh” në pikën 3 shfuqizohet.
4. Pas germës “e” shtohen gerrat “f”, “g”, “gj”, “h”, “i” si më poshtë:
  - f) Qendra Kombëtare e Kinematografisë;
  - g) Arkivi Qendror Shtetëror i Filmit;
  - gj) Qendra Kombëtare e Librit dhe Leximit”;
  - h) Biblioteka Kombëtare;
  - i) Qendra Kombëtare e Veprimtarive Tradicionale.

### Neni 5

Neni 9 ndryshohet si më poshtë :

1. Në pikën 3 togfjalëshi “me vendim të Këshillit të Ministrave” zëvendësohet me “Urdhër të Ministrit përgjegjës për artin dhe kulturën”.
2. Në pikën 4 togfjalëshi “..me vendim të Këshillit të Ministrave, me propozim të Ministrit përgjegjës për artin dhe kulturën...” zëvendësohet me “me urdhër të Ministrit përgjegjës për artin dhe kulturën”.

### Neni 6

Në nenin 10 bëhen ndryshimet si më poshtë:

1. Pika 3 riformulohet si më poshtë:

3. “Bordi artistik përbëhet nga 7 anëtarë, nga të cilët një përfaqësues nga Ministria përgjegjëse për financat, një përfaqësues nga Ministria përgjegjëse për artin dhe kulturën,



REPUBLIKA E SHQIPËRISË

## KUVENDI

*ndërsa anëtarët e tjerë janë personalitete të shquara të fushës së artit, veprimtarive shoqërore ose përfaqësues nga fusha e biznesit. Anëtarët miratohen me urdhër të Ministrit përgjegjës për artin, dhe nuk mund të jenë të punësuar në institucionin pranë të cilit funksionon ky bord. Emërimi i tyre bëhet për një afat 4 vjeçar. Lirimi dhe shkarkimi, para përfundimit të këtij afati, bëhet nga Ministri përgjegjës për artin dhe kulturën, për shkelje të ligjit ose për arsye të mos funksionalitetit të tij.”*

2. Pas pikës 6 shtohet pika 7 me këtë përmbajtje:

*“Mënyra e funksionimit të Bordit përcaktohet në rregulloren e miratuar me Urdhër të Ministrit përgjegjës për artin dhe kulturën”.*

### Neni 7

*Në gërmën c) të nenit 11 në fund të fjalisë shtohet togfjalëshi “...dhe efektet financiare sipas propozimeve nga sektorët artistikë dhe strukturës financiare në institucionin përkatës;”.*

### Neni 8

Në kreun V bëhen ndryshimet si më poshtë :

1. Në titull pas togfjalëshit “..MINISTRIA PËRGJEGJËSE PËR ARTIN DHE KULTURËN” shtohet “..DHE INSTITUCIONET PUBLIKE QË KANË NË OBJEKTIN E VEPRIMTARISË SË TYRE ARTIN DHE KULTURËN”.

### Neni 9

Në nenin 26 bëhen ndryshimet si më poshtë:

1. Fjalja e parë e pikës 1 të nenin 26 riformulohet si më poshtë:  
*“1. Ministria përgjegjëse për artin dhe kulturën dhe institucionet qendrore publike për artin dhe kulturën, financojnë nga fondi buxhetor i miratuar çdo vit:”*
2. Pas gërmës “b” shtohet gërma “c” me përmbajtje si më poshtë:
3. *“c) projekte të hartuara nga vetë Ministria përgjegjëse për artin dhe kulturën dhe institucionet publike që kanë objektin e veprimtarisë së tyre artin dhe kulturën.*
4. *Institucionet publike që në fushën e tyre të veprimit nuk kanë objektin dhe kulturën si dhe institucionet e tjera të pavarura, i realizojnë këto procedura pas miratimit me shkrim të Ministrit përgjegjës për artin dhe kulturën.*

### Neni 10

Në nenin 27 bëhen ndryshimet si më poshtë :

1. Në titull pas fjalës “...kulturore” shtohet “ nga Ministria përgjegjëse për artin dhe kulturën”.

### Neni 11



REPUBLIKA E SHQIPËRISË

## KUVENDI

Në nenin 27/1 bëhen ndryshimet si më poshtë :

1. Në titull pas fjalës “...kolegjiumit” shtohet “në Ministrinë përgjegjëse për artin dhe kulturën”.
2. Në pikën 1 germa b) riformulohet si vijon:  
“*nxit dhe i propozon Ministrit përgjegjës për artin dhe kulturën veprimtari artistike-kulturore për artin dhe kulturën, në përputhje me përcaktimet e bëra në nenin 26 të këtij ligji.*”
3. në pikën 1 germa c) pas fjalëve “...në gjini të ndryshme të artit” shtohet “dhe kulturës.”.

### Neni 12

Pas nenit 27/1 shtohet neni 27/2 me përmbajtje si më poshtë:

#### *Neni 27/2*

*Miratimi i veprimtarive artistiko-kulturore në institucionet publike qendrore të artit dhe kulturës, njësitë e qeverisjes vendore dhe institucionet të tjera publike.*

1. *Miratimi i veprimtarive artistiko-kulturore në institucionet publike qendrore të artit dhe kulturës, njësitë e qeverisjes vendore dhe institucionet të tjera publike bëhet me Urdhër të titullarit pas propozimit nga kolegjiumi i institucionit përkatës.*
2. *Kolegjiumi ka në përbërje jo më pak se 3 nëpunës ose punonjës të përcaktuar me urdhër të titullarit.*
3. *Mënyrat e funksionimit të kolegjiumit për institucionet qendrore të artit dhe kulturës propozohen nga institucioni dhe miratohen nga Ministri përgjegjës për artin dhe kulturën.*
4. *Mënyra e funksionimit të kolegjiumit për njësitë e qeverisjes vendore dhe institucionet e tjera publike miratohen nga titullari i institucionit.*

### Neni 13

Në nenin 29 bëhen ndryshimet si më poshtë :

1. Në germën c) togfjalëshi “..Qendrën Kombëtare të Artit dhe Kulturës” zëvendësohet me “Ministrinë përgjegjëse për artin dhe kulturën”

### Neni 14

Në Kreun VIII Titulli ndryshohet si më poshtë :

“MARRËDHËNIET KONTRAKTUALE NË VEPRIMTARITË E ARTIT DHE TË KULTURËS”

### Neni 15

Neni 34 ndryshohet si më poshtë:

“Neni 34



REPUBLIKA E SHQIPËRISË

## KUVENDI

### *Marrëdhëniet financiare me artistët*

*Marrëdhëniet financiare për kontributin e angazhimit të përkohshëm në projektet artistike me artistin jashtë sistemit të institucioneve publike të artit dhe kulturës rregullohen me kontratën e lidhur mes artistit dhe institucionit publik financues nëpërmjet negocimit.”.*

#### Neni 16 Shfuqizime

1. Numri “34” në pikën 1 të nenit 35 “Dispozita kalimtare të fundit” shfuqizohet.
2. Aktet që bien në kundërshtim me këtë ligj shfuqizohen.

#### Neni 17

Ky ligj hyn në fuqi 15 ditë pas botimit në Fletoren Zyrtare.

**KRYETAR I KUVENDIT**

**GRAMOZ RUÇI**